

堅

瓠

集

堅瓠補集卷之二目錄

建文帝詩詞

水月觀

遜國詩紀

昭君書詩

古今名姝圖

詩鎮

宋元二帝盛德

題齋龍

楊升菴青鸞兒

白香山好遊

得詩止酒

花公傳

彈棉花槌謎

呂洞真詩

柳比美人

詩字辨

咏傳巖

田家四時詩

范石湖祀竈詞

咏菽乳

此書修橋文

賞桃應制

華嚴洞石壁詩

對句薦館

藥名歲交詩

吳文之對

逐漉文

閨怨詞

大經飛颺

順理隨天

老狀元詞

烹葵

題林靈素像

孫賈對語

沈娘詞

犀角酒斗

詩鬼降乩

王文恪和壽詞

劉武城詞

王彥齡詞

磨鏡帖

洞庭歌

天干地支名

上樑語識

汪嘯尹祝壽詩

走馬燈謎

日月雨露稱脚

咏鶯鶴蘭鶴

自責責人

初夏小曲

掘塚歌

獨宿吟

施宗銘幼慧

西子子西對

雪獅子

楊梅核猴

美人過橋

人世炎涼

梅嬌杏俏

刺繡

元載妻詩諷

堅瓠補集卷之二

長洲石農褚人獲學稼穡輯

建文帝詩詞

建文帝首至吳江史仲彬家題詩清遠軒  
云玉蟾飛入水晶宮萬頃琉璃破曉風詩  
就雲歸不知處斷山零落有無中 畫鷁  
高飛江木漲老漁亟唱夕陽斜秋來客子  
興歸思船到吳江卽是家又三至吳江題

滿江紅詞云三過吳江又添得一亭清絕  
剛占斷水光多處巧依林樾漠漠雲烟春  
晝兩參參大地秋宵月更水壺玉鑑暑宜  
風寒宜雪 臞菴右山依缺垂虹左波濤  
截正三高堂畔舊規今別何但漁翁垂釣  
好謾將柳子新吟揭信登臨佳興屬彭宣  
能揮發又觀競渡詞云梅霖初歇正絳色  
海榴初開佳節角黍包金香蒲切玉是處

玳筵羅列闢巧盡輸年少玉腕綵紗雙結  
臙絲坊龍舟兩兩波心齊發 奇絕處激  
起浪花翻作湖間雪盡鼓轟雷紅旗掣電  
奪罷錦標方徹望水中天日暮猶是珠簾  
高揭歸棹晚載荷香十里一鉤新月

水月觀

建文嘗至吳江寓史仲彬別室題水月觀  
賦詩曰細雨披楊起綠烟水波如織影迷



簾午鐘何處偏來耳不似西宮奏管絃

遜國詩紀

錫山王肯大先生仁瀨有遜國詩紀百絕  
比事屬詞綜考無遺足稱一朝詩史區區  
安用宋襄仁猶說燕王是懿親若謂東山  
休破斧謂思採藥善全倫蓋謂建文帝戒  
耿炳文等毋傷燕王使朕有殺叔父名由  
是文皇每臨陣南軍不敢一矢加遺也

# 昭君

昭君名嬙以良家子選入掖庭琴操云齊  
國王穰女年十七儀容雅麗國中長者求  
之皆不許乃獻元帝後呼韓邪單于來朝  
願爲漢婿勅宮女五人賜之嬙以入宮不  
見御積怨請行臨辭大會豐容靚飾光明  
漢宮顧影徘徊竦動左右帝見驚悔然重  
失信遂與匈奴入胡號寧胡閼氏生一子

伊屠知牙師呼韓邪死前闕氏子代立欲  
妻之嬙上書求歸成帝勅從胡俗遂爲後  
單于闕氏生二女長女云須卜居次小女  
當子居次平帝時單于遣須卜居次云入  
侍太后此見漢書並無回工圖形之說西  
京雜記載回工事亦止毛延壽而樂府解  
題所載又有劉向陳敞龔寬楊杜樊豐等  
近見南軒集異有昭君入胡報帝書云臣

妾得脩禁衛謂身依日月死有餘芳而失  
意丹青遠窺異域誠得捐軀報主何敢自  
憐獨惜國家黜陟移於賤工南望漢廷徒  
增愴結妾有父弟惟陛下幸少憐之帝迴  
思不置窮究其事画工毛延壽樊青等同  
日棄市據此則画工之說似實有之漢書  
或未之載耳又堯山堂載昭君在胡作詩  
云秋木萋萋其葉立黃有鳥處此集于苞

桑養育毛羽形容生光旣得升雲上游曲  
房離宮絕曠身體摧藏志念抑沉不得顏  
頰雖得委食心有徊徨我獨伊何來往變  
常翩翩之燕遠集西羌高山戕戕河水決  
決父兮母兮道里悠長嗚呼哀哉憂心側  
傷觀書與詩昭君何嘗忘漢且胡地草皆  
黃惟昭君墓草獨青旣死猶以青塚自旌  
王荆公云漢恩自淺胡自深豈不冤哉○

古今咏明妃者甚衆然皆說是婦女怨歎  
之情惟樂天漢使却迴頻寄語黃金何日  
贖蛾眉君王若問妾顏色莫道不如官裏  
時前輩以爲高出衆作之上謂其有不忘  
君之意歐陽永叔云絕色天下無一失難  
再得雖能殺画工於事竟何益耳目所及  
尚如此萬里安能制夸狄遂爲絕唱錢纘  
題其圖云陰陽強合春風惡山水含羞夜

月寒胡始下機開要路漢終無力挽頽瀾  
固知作俑皆婁敬圖國君臣仔細看歸罪  
婁敬立意亦創邵茂之詩紅顏薄命漢昭  
君一曲琵琶撥塞雲藉此和戎爲上策滿  
朝簪笏亦欽裙又其詩末云籍令倚此爲  
長計昭君應合画麒麟又明江陰其題其  
圖云驪山舉火因褒姒蜀道蒙塵爲太真  
能使明妃嫁絕塞回工應是漢忠臣

古今名姝圖

閩陳元凱勲集載題古今名姝圖云友人  
陳克瑞文采風流翰墨精絕暇日圖古今  
名姝合爲一卷雲鬟翠黛靚麗鮮妍幽怨  
閨情體狀宛至月籠薄霧堪同掩映之容  
花墜危樓差擬輕盈之韻雖復紅粉黃土  
參遡千祀按圖而觀則已馥馥馥馥蘭思  
縈紆于縑素珊珊冉冉珮聲隱約於簾櫳



矣昔宋玉神女之篇陳思洛妃之賦窮情  
極思飛神動魄陳君毫端幾與角妙所謂  
畫中有賦者乎衆姝芳蹟具諸紀錄或奇  
士鍾情或萬乘垂盼傾城判於一顧剛腸  
化爲繞指亦莫不香消紅歇歌斷舞絕徒  
寄斯圖使人歎息達士流覽亦可以識其  
空幻破此一關繪事之助不既弘乎元凱  
萬歷辛丑進士

詩鎮

湧幢小品湖州慈感寺前潮音橋水清微  
有蚌浮水面吐珠人皆見之每風雨卽有  
蛟龍來攪永樂中夏忠靖治水至湖宿寺  
中夜有神黑衣白裏率一美女來見公不  
爲動徐訴曰久宿於此歲被隣豪欲奪吾  
女若得大人一字爲鎮彼卽懾伏不動公  
書一詩與之中有蚌傾心之句神拜領而

去未幾公至吳淞江夢金甲神來訴曰往  
聘一女無賴賺大人手筆不肯嫁請改判  
公張目視之神甚怖冉冉而退公因悟是  
慈感蚌珠之仇牒於海神次日大風雨雷  
電震死一蛟於錢溪之北文皇偵卒報知  
及還朝問狀對曰此皆陛下威德百神効  
靈聽命臣何敢與焉上爲歎賞

朱元二帝盛德

元順帝爲明宗子文宗思之遠竄海南詔  
書有明宗在北之時自謂非其子虞伯生  
筆也文宗晏駕寧宗復崩國人迎順帝立  
之帝入太廟斥去文宗神主命毀舊詔伯  
生時在江西以皮繩拴腰馬尾縫眼夾兩  
馬間逮至嫉之者爲十七字詩曰自謂非  
其子如今作天子傳語老蠻子請死至則  
呈文宗親收詔稿帝曰此朕家事外人豈

知道得釋然兩目喪明不能復書此與晏  
殊撰李宸妃碑事相類妃實誕仁宗殊承  
章獻太后旨謂妃無子生一公主早卒仁  
宗恨之而卒不罪皆盛德事也

### 題画龍

江進之蘇軾下第南歸見南陽驛壁画龍  
題詩云頭角空敎恁地雄可能霖雨潤寰  
中人間多少諸梁輩不愛真龍愛画龍

楊升菴黃鸞兒

藝苑卮言以雨中遣懷黃鸞兒前一首爲  
楊升菴夫人所作後三首爲升菴作王元  
正以爲四詞皆出升菴積雨釀春寒青繁  
花樹樹殘泥塗滿眼登臨倦雲山幾盤江  
流幾灣天涯極目空腸斷寄書難無情征  
雁飛不到滇南 夜雨滴空堦傍愁人枕  
畔來鄉心一片無聊賴淚眸懶揩狂歌懶

裁沈郎多病寬腰帶望琴臺迢迢天外懷  
抱幾時開霽雨帶殘虹映斜陽一抹紅  
樓頭畫角收三弄東林曉鐘南天晚鴻黃  
昏新月茲初控望長空披襟誰共萬里楚  
臺風絲雨濕流光愛青苔繡粉墻蒼蒼  
浦外清波漲新篁送涼幽芳弄香雲廊水  
榭堪遊賞倒金觴形骸放浪到處是家鄉

白香山好遊

長慶中白香山自中書舍人出守杭州徙  
蘇首尾五年自云兩地江山遊得徧五年  
風月詠將殘可謂極宦遊之適矣嘗夜泛  
太湖有十隻畫船何處宿洞庭山脚太湖  
心句又在湖心泛舟連五日夜寄元微之  
詩云報君一事君應羨五宿澄波皓月中  
雖樂天風格高邁亦當時法網太疎不以  
爲怪也使今人如此必染物議矣



得詩止酒

宋蔡文忠公齊性嗜麪藥飲量過人沉酣  
晝夜諫者弗聽時太夫人年高甚以爲憂  
一日山東賈存道過之適文忠宿醒未起  
存道乃大書于壁曰聖君寵重龍顏選慈  
母恩深鶴髮垂君寵母恩俱未報酒如成  
病一作悔何追文忠起見之大悟卽日痛  
懲終身不復至醉

# 花公傳

汪上輯先生永靖改號嘯尹博學多才爲  
諸生屢試不售資志以及見家人彈棉花  
戲作花公傳花公名絮字奇溫其先出自  
崑崙神禹時始入中國後繁衍散處天下  
吳楚間爲尤盛家世中落多寄跡於田家  
公由鄉貢出守綿州公鄉去綿遠挈其子  
乘鐵軸車往及關道阻不得進乃棄其子

陸羽集

卷二

士

去已復舍車走羊腸間從者止一稚童今  
之鳴弦自衛往反數四乃如綿其爲綿也  
人多庇之歌曰昔無襦今五袴上聞其卧  
治有餘擢溫處道尋陞布政使公以爲綿  
之事條布中外雖窮鄉僻地下至婦女皆  
與機務一切羅織悉廢上嘉其能可任惟  
幄拜冬官卿然公所至爲政不過歲餘卽  
敝輒改弦更張之有彈其罷軟者賜冠帶

終焉公貌白絜性溫和善處人骨肉間平  
居常以茵褥自蔽但好布帛不近絢錦能  
體恤下人凡貧窶之徒及臧獲輩悉被其  
德而富家率遠之時有蠶叢綿氏自謂功  
過於公爲豪貴所重然終不損公之價也  
外史氏曰夫德足以覆被生民者累千餘  
世不絕公之先自島兮隨貢入中國後日  
益繁與后稷功益略相等雖然祁寒咨怨

之時民成思慕及酷暑輒忘之豈其德有  
未徧與老子曰天下熙熙如登春臺其利  
溥哉

彈棉花棍謎

馮猶龍先生有彈棉花棍謎云一物身長  
數寸頭圓頸細無毛佳人一見手來撾揭  
起羅裙戲耍蓆上交歡無限聲音體態嬌  
佳看來俱是眼前花直美到成胎便罷

呂洞賓詩

呂洞賓過錦屏山題詩云半空豁然雷雨  
收洗出一片瀟湘秋長虹倒掛碧天外白  
雲走上青山頭誰家綠樹正啼鳥何處夕  
陽斜倚樓道人醉卧巖下石不管人間萬  
種愁又時當海晏河清日白鹿閒騎下翠  
臺本爲君平川裡主不妨却到錦屏來自  
有仙人丰度今世傳洞賓詩只助吟飛過

洞庭湖一絕耳

柳比美人

古人詩中多以柳比美人取其柔曼之態  
相似也唐牛峤柳枝詞云吳王宮裡色偏  
深一簇纖條萬縷金不憤錢塘蘇小小與  
郎松下結同心譽柳妬松殊有趣

詩字辨

王右丞詩迸水定侵香案濕魏萬卿辨云

定水迸侵又桃源面面絕風塵陳可一辨  
云桃源西面正對柳市南頭鄧泰素嘗云  
曾見古本唐詩滿樹枇杷冬着青滿樹作  
滿寺二水中分白鷺洲二水作一水雲想  
衣裳花想容蔡端明書作葉想衣裳劉後  
村以爲筆誤或云葉字正與牡丹穩貼愚  
意雲字更趣杜裳華清宮詩行盡江南數  
十程曉風殘月入華清朝元閣上西風急



都入長楊作雨聲連用二風字瞿宗吉詩  
話云向見善本作曉乘殘月入華清殊妙

咏傅巖

昔人咏商巖詩云後來亦有君王夢不是  
陽臺卽月宮明威寧伯王越咏商巖云圖  
像原從夢卜真天教版築得賢臣漢家元  
帝知何事只解丹青畫美人不說夢而說  
畫語意更新

出家四時

張浣心四時田家詩云  
茅簷櫛比十餘家  
男出耕兮女績麻  
新柳沿溪映門戶  
春深籬落放桃花  
田夫併力急耕芸  
田婦當家送餽勤  
禾黍油油初渴水  
隴頭長望海東雲  
村家半吐籬邊菊  
已報東臯穠種黃  
男女腰鎌向田去  
秋風吹送稻登場  
農夫凌寒忙種麥  
風冷雲昏歸舍急  
牀頭

新釀斟一壺門外雪飛村巷白

范石湖祀竈詞

古傳臘月二十四竈君朝天欲言事  
窮車風馬小留連家有杯盤豐典祀  
猪頭爛熟雙魚鮮豆沙甘鬆粉餌團  
男兒酌獻女兒避醉酒燒錢竈君喜  
婢子鬪爭君莫聞猶大觸穢君莫嗔  
送君醉飽登天門杓長杓短勿復云  
乞取利市歸來分

咏菽乳

尤自芳帶咏菽乳入絕一腐二漿三衣四  
花五乾六乳七滯八查漿云醍醐何必羨  
瑤京只此清風齒頰生最是隔宵沉醉醒  
磁甌一吸更怡情衣云波湧蓮花玉液凝  
氤氲疑是自雲蒸紫衣自可調羹用試問  
當壚揭幾層花云瓊漿未是逡巡酒玉液  
翻成頃刻花何羨仙家多著異靈丹一點

不爭差乾云世間宜假復宜真幻質分明  
身外身纔脫布衣圭角露亦供俎豆進佳  
賓乳云膩似羊酥味更長山厨贏得甕頭  
香朱衣蔽體心仍素咀嚼令人意不忘滯  
云化身渾是坎離恩火到瓊漿滯獨存入  
口莫嫌滋味淡鹽梅應不足同論香云二  
從五穀著聲名歷盡千磨涕泗傾形毀質  
消俱不顧竭殘精力爲蒼生

乚書修橋文

有請仙者仙至自稱柳子厚因請作募修  
橋文乚卽書云古里蓮溪岸分左右中橫  
一派直通汝漢江淮向有橋梁任爾東西  
南北近因歲久圯頽釘銷木化行者趑趄  
過者煩惱似揆翼德之怒人影空隨類觸  
項羽之威焦藤難續隱士無從買卜才人  
何處留題抱信者任其潮至種王者曠爾

良緣苟無光武中興滯沱不凍若有東山  
賭墅鞭策誰投餽者楊農夫於飢渴之際  
行者阻商賈於風雨之中岸畔之石叱之  
不動柳陰之舟呼之不來達磨之術未諳  
折蘆誰渡長房之術難學縮地無由危橋  
岌岌易冰蕭蕭今欲鳩工啓建無白水以  
難成聊陳蕪語募緣有青蚨而始就編告  
檀那普求善信喜捨隨輕隨重獲福無量

無邊同種良田共成勝事幸垂樂助請者  
芳名謹疏

賞桃應制

天寶遺事唐中宗賞桃花應制凡十餘人  
最後一小臣絕句云源水叢花無數開丹  
枝紅萼間青梅從今結子三千歲預喜仙  
游復摘來此詩一出群作皆廢中宗令宮  
女唱之號桃花行然不知作者姓名唐詩



百家皆不載

華巖洞石壁詩

名山記華巖洞世傳昔有桃花瓣濶寸許  
從洞中流出石壁上有無名氏詩二絕巖  
前流水無人渡洞口碧桃花正開東望蓬  
萊三萬里等閒歸去等閒來 跨鶴歸來  
不記年洞中流水綠依然紫蕭歌徹無人  
見萬里西風月滿天

對句薦館

寧波一秀士失館無聊閒走偶闖府道吏  
拘見府因詰其故士以實告府出一對令  
對如佳卽釋且爲汝薦一館曰遍地是先  
生足見斯文之盛士應聲云沿街尋弟子  
方知吾道之窮府佳其對果薦之適袁元  
峰<sup>亭</sup>亦失館蹈其轍闖入府道府亦出一  
對曰湖山倒影魚遊松頂鶴棲波元峰卽

云日月循環兔走天邊鳥入地府亦爲之  
○元峰父執某出一對云宦官寄宿窮家  
寒窓寂寞俱取小字頭也元峰云可以借  
得一點否某許之袁云家罕安寧富宅宇  
宙寬宏某大賞之

藥名歲交詩

朱望子先生於除夜見案有藥具戲作藥  
名歲交詩除夕云從知歲事已無忙草果

村館設小堂斟酌屑蘇傾竹葉煖煨榴  
帶松香插梅瓶映連翹影剪燭燈明續斷  
光白附地磚書粉字萬年長積有餘糧元  
旦云合歡門內各怡然五味辛盤共慶年  
把盞紅椒浮綠酒擁爐蒼木起清烟雪留  
砌畔天花積冰結塔前地骨堅祝願兒曹  
添遠志白頭翁更壽綿綿

吳文之對

吾郡吳文之初名濟少敏悟方九歲自書  
對聯云移門欲就山當榻補屋常愁雨濕  
書與張濟同學客聞其才出對云張吳二  
濟聯床讀文之應曰嚴霍同光聞世生客  
善繪事又云畫草發生頃刻工夫非謂雨  
文之曰燈花開落須臾造化不關春又畫  
上行人無雨無風常打傘文之曰屏間飛  
鳥有朝有暮不歸巢後登第入翰林

逐瘧文

信州程俊民北利病久瘧乃爲文以逐之  
其文多不具錄錄其雋詞曰夫瘧者虐也  
烈如暴暑酷如猛吏率然遇之莫知其似  
身搖搖如懸旌足縮縮如有循齒如石上  
漱眼似霧中看聲振林阜勝在牀之蟻閭  
氣蒸雲夢思入水而魚游如虺如蛇潛出  
雞鳴星爛爲鬼爲蜮矯如白日青天一日

二日之間信成徙木七月八月之內威著  
鑠金瘡汝亦知其譏與來病君子則汝爲  
小人遭厲聖人則汝爲狂鬼以世所甚尊  
之士而汝敢侮之以世所甚不美之名而  
汝輒居之安在其知也夫懸關中之蟹汝  
可疾而驅誦少陵之詩汝可易而走豈直  
宛市之羊可賣妖祠之豕可誅哉吾是悲  
汝愚而又姍汝怯也汝何不歸深山大澤

長存虛名乃必効鼃見之窮何爲瘧不敢  
對抱頭而竄予自是而蘇霍然病已

閨怨詞

汪嘯尹

項戲拈閨怨詞調寄黃鶯兒每句

隱西廂曲一句跌綻鳳頭鞋

脚眼無線揜珠簾

畢罷了

收鏡臺

只少一箇

懶拈針線慊慊待

拈頭兒告

把象棋下來

安排着車兒馬兒

把雙陸

打來

又在山那廂

怎奈寸情遠逐征輪邁

小則小



轉關酒醒纔改變了蒼天斗破直上哭

倒在塵埃也有此

天絲飛颺

吳中初設南北兩局時空中忽有

白絲飛颺人皆云此天絲也胡溯翁有句

云風雲滿地呈新樣素縷遙空作雪飛天

恐東南杼軸盡故教織女亦拋絲時局中

新創滿地風雲錦故詩及之

順理隨天

信步行將去隨天分付來此古人之名言也鉅鹿陳世寶易之曰順理行將去隨天分付來則理直而辭順爲無病矣蓋信步則有荒唐不檢之患而順理則循規蹈矩自無任情率性之舉矣

老狀元詞

宋人有小狀元詞王元正補老狀元詞云

三百名中第一人宮花斜插二毛侵丹墀  
獨對三千字闔闔驚看五色雲袍簇錦帶  
橫金引領羣仙謝紫宸時人莫訝登科晚  
自古龍頭屬老成

烹葵

詩言烹葵及菽唐人有烹葵邀上客句則  
葵之可餐亦久矣今未聞有烹之者王元  
正過西湖僧寺聞寺僧取葵去其膚食其

幹脆如萑苴特未之試余庭中千葉葵花  
爛焉如錦他日以翠釜沃之當添一佳味  
○山家清供云葵名鴨腳羹

題林靈素像

林靈素以方術顯於時有附之而得美官  
者頗自矜有驕色或戲作靈素畫像詩云  
當日先生在市廛世人那識是真仙只因  
學得飛昇後雞犬相隨也上天

戲對

臨江孫偉貌與黎御史龍相類或云孫生  
面似黎龍偉云孔子貌類陽虎又友人見  
偉着公服戲云孫穿公服適有周裁捧葛  
衣而過偉云周製夏衣又費文憲公宏官  
侍郎其兄家爲太常少卿以長少易位劉  
瑾適過之云費秀才以羊易牛宏蓋已宏  
荅云趙中貴指鹿爲馬瑾頗卹之

沈娘詞

錢唐朱若千先生駁沈娘詞序云蓋聞青  
衫宴客情移江上琵琶翠幙迎郎心結湖  
邊松柏是以陽城下蔡不乏名姝金谷章  
臺類多芳徑吾友張公子者夙擅風流羣  
推俊雅買花解語教成十載辛勤裂錦纏  
頭名占五陵年少邇者移裝勝地高聚良  
朋忽逢吳下羣人頓作西冷佳會燈搖碧

翠恍登歌舞臺中面暈芙蓉漸入溫柔鄉  
裏矧乃佳人愛客綺語纏綿才子多情艷  
思縈繞予也色慚一啗情媿滿車然而飲  
大僕之名國香留午夜宿司空之高館腸  
斷三更爰賦小詩用誌良遇詩云書堂此  
夕醉嬋娟玉質微酣昵綺筵正是好花乘  
夜看紅燈低照露華鮮 干呼萬喚步方  
行猶掩鮫綃半倚屏最愛雙瞳微轉處巴

江夜雨剪盈盈 翻杯酒污石榴裙公子  
多情抹素綾獨有佳人偏會意低鬟伴笑  
說何曾 宛轉嬌鶯美巧映彩雲留住碧  
天秋曲中忽訴生平事四座沉吟盡點頭  
犀角酒斗

葉聖野先生

表

有犀角酒斗傍刻魁星像

右手執銀而失筆坐客偶言試官愛財魁  
星祇以銀錠効用朱雲子先生隗卽席賦



沁園春詞曰咄咄魁公何事懷金授筆歸  
來怪日居角亢守他金庫奎臨財帛趕上  
錢堆路鬼揶揄波臣憔悴豈是文章竟蹟  
哉歎毛錐子見孔方兄至那敢推排空  
教氣湧如雷任塊壘澆他三日月孟有王圖  
先達吳融負屈劉蕡下第裴李高魁銀氣  
衝天管花落地倒却西園文雅臺但准備  
得腰纏萬貫穩取三台

原缺

王彥齡詞

吟堅志王彥齡齊叟元祐樞密彥霖之弟  
任俠有聲初官太原作望江南曲嘲郡縣  
僚佐及府帥帥怒甚因入謁面數折之云  
君恃爾兄謂吾不能治爾耶彥齡歛板頓  
首謝且請其過帥告之復趨進倚聲微吟  
曰居下位只恐被人譏昨日但吟青玉案  
幾時曾作望江南下句不屬回顧遙見兵

官乃曰請問馬都監帥不覺失笑而退所  
傳別素質一闋云此事憑誰知證有樓前  
明月窓外花影亦其詞也娶舒氏女亦工  
篇翰婦翁出武列彥齡常醉酒戲罵翁不  
能堪竟至離絕女在父家懷其夫而作點  
絳唇曲云獨自臨流興來時把闌干憑舊  
愁新恨耗却來時興鷺散魚潛煙歛風初  
定波心靜照人如鏡少箇王郎影

# 磨鏡帖

天台車清臣若水宋理宗時人脚氣病作  
時以書自娛隨所見而錄久自成編名脚  
氣集首載潘默成磨鏡帖甚佳帖云僕自  
喻昏鏡喻書爲磨鏡藥當用此藥揩磨塵  
垢使通明瑩徹而後已倘積藥鏡上而不  
施揩磨之功反爲鏡之累故知托儒爲奸  
者曾不若愚夫愚婦也

洞庭歌

彭功甫云洞庭兩山青冥中猗頓近稱許  
與翁翁老盛修玄都宮木天矗立參殊功  
許生百萬何豪雄結交唯有袁與馮近日  
忽思結上公申文定上公臨况麟袍紅珍羞  
羅列拜下風八蠶繭紬等蟻蠟炊金饌玉  
聲玲瓏賓客斯養無異同世間富翁有如  
此貧士依然凍餓死

天干地支名

說圖識餘載天干歌七言四句曰闕逢甲

之下是旃蒙乙柔兆丙連彊丁著雍戊

屠維己上章庚重光辛亥次立默然壬昭陽

受干乃終又有地支歌五言六句曰攝提

格寅單閼卯執徐辰大荒落巳敦牂午蒸

協洽未沿灘申與作噩酉閼掩一作茂戌大

淵獻亥困敦子赤奮若丑熟記之可免翻

又三孤集 卷三 七 補

閱之勞共解釋許載七修類藁

上梁語識

文文山公少時作新居上梁文有拋梁南  
說與山人住水南江上梅花都是好莫分  
枝北與枝南公殉節後其弟文舉登仕元  
爲縣令或貽詩譏之有南枝向暖北枝寒  
之句

詩見初集前語遂成一識

汪嘯尹祝詩



毛德音先生相學富家貧中年醫藥同輩  
惜之其配亦有賢德六秩雙壽時同人俱  
以詩贈之先生獨喜注嘯丑四絕句詩云  
剛字飢乘一腐儒空將萬卷付嗟吁世人  
不識張司業落箇纏綿解贈珠 久病長  
貧老布衣夫平人也足耶非止餘幾點窮  
途淚盲盡雙眸還自揮 荆布蒸鹽四十  
年誰人知得孟光賢至今還舉齊眉案辛

苦終身實可憐 工容何事不如人嫁與  
寒儒病更貧垂老雙眉終日鎖管花凋盡  
那知春四詩絕非祝嘏常套先生所以獨  
善之與先生有三國箋註琵琶評行世

走馬燈謎

山陰徐文長名渭嘗隱括徐渭二字爲秦  
田水月有走馬燈謎云但見爭城以戰不  
見殺人盈城是氣也而皮動其心

日月雨露稱脚

杜少陵詩兩脚但仍舊兩脚如麻未斷絕  
白玉蟾詩兩脚初收起暮烟江公著詩雲  
葉紛紛兩脚勻汪信民詩兩脚長可歇蔡  
啓詩城響濤頭入江昏兩脚斜兩脚二字  
本齊民要術少陵始用之少陵又有日脚  
下平地句韋莊詩遠水斜牽日脚流石曼  
卿詩花影長隨日脚流陳輔詩白下風輕

日脚斜李賀詩露脚斜飛濕寒兔喻鳧詩  
雁天霞脚雨東坡詩月脚垂孤光日月霧  
露稱脚俱新

咏鰲鶴兩鶴

毛序始咏物西江月二詞咏鰲鶴云只道  
生從胎卵原來索自枯魚稜稜瘦骨欲憑  
虛誰復假之毛羽縱使凌霄有志那堪  
洞轍難舒林連支遁莫憐予空說莊周知

已咏蘭鵲云纔見春鵲欲死忽有素鳥如  
生馬頭娘子已藏形幻作柱頭丁令月  
羽還須剪就縞衣不待裁成若教冲舉向  
青冥應化遊絲千仞

自責責人

南充陳玉壘于陛云今人談人則易自責  
則寬常見當事者指摘前人殆不容口及  
觀其所爲不若遠甚宋人詩云鮑老當延

笑郭郎笑他舞袖太郎當若教鮑老當旋  
舞轉更郎當舞袖長可謂曲盡事情

初夏小曲

涇陽趙念堂先生有初夏小曲云豆角兒  
香麥索兒長響嘶唧繭車兒風外揚青杏  
兒纔黃小鴨兒成雙雛燕語雕梁紅石榴  
花滿西窗黃蜀葵葉掃東牆泥金團扇宗  
香玉紫紗裊將佳節慶端陽

## 掘塚歌

范梈字德樞掘塚歌云昨日舊塚掘今朝  
新塚成塚前兩翁仲送舊還迎新舊魂未  
出新魂入舊魂還對新魂泣舊魂可寧語  
新魂好地不用多子孫子孫綿綿如不絕  
曾孫不掘玄孫掘我今掘矣良可悲不知  
若掘又何時耶仁實云掘歌則人決不用  
孔孫亦不用墳墓矣當換好地二句中數

堅瓠集

卷二

三

補

字可也如曰好地還須好子孫子孫綿綿  
多頑劣曾孫不掘玄孫掘斯義方妙然多  
字更不若若字爲妙

獨宿吟

胡仲彛以梓有獨宿吟云孤鶴清寒霜天  
獨宿緊摠眉暖覆是被擁爐香香馥馥心  
兵不起媚幽獨安眠到晚日烘窓也笑人  
生自在福



施宗銘幼慧

施槃幼警敏善屬對隨父商于淮上從師  
讀書主羅鐸家有都憲張某來鐸命其子  
與槃偕見張試以對曰新月如弓殘月如  
弓上弦弓下弦弓槃應聲曰朝霞似錦晚  
霞似錦東川錦西川錦張大奇之正統戊  
午舉于鄉赴會試詩別劉昌有紅雲紫霧  
三千里黃卷青燈十二時句年二十三遂

堅瓠集

卷二

美

七

魁天下在翰林英宗間卿家吳中有何勝  
地槃對曰有四寺四橋上問何名槃曰四  
寺者承天萬壽永定隆興四橋者鳳凰來  
苑宣利太平英宗大悅

西子子西

毛鶴肪先生幼時作一對云西子顛倒爲  
子西須辨吳頭楚尾數十年來舉以示人  
並未有一能對者

雪獅

乙亥新正積雪盈尺兒童競塑獅子漫成一  
律雪積廣庭中物成體自充豈知自獸  
長亦藉六飛雄神似窮人力形摹逼鬼工  
寂然不一吼殊覺勝河東孫瀛仙見而賜  
和復疊前韵却寄寒氣猶凝結春回雪尙  
充黃童能肖物白澤獨稱雄踔踞徵心巧  
爭獐極化工無然競肥瘦旭日已升東復

蒙瀛仙兒和再疊前韵雪獅詩偶賦賜和  
已盈充昔辨黃金僞今成白雪雄畏狸如  
見伏獵象或稱工西域毛羣特安然置并  
東聊記一時游戲往復殊不計工拙也

楊梅核猴

吾吳沈君玉善於雕刻以楊梅核雕獼猴  
色蒼毛短厥狀酷肖因倣尤悔翁先生物  
幻詞體作西江月詞楊氏昔稱家果沈郎

幻作野賓

王仁裕猿名

色殷毛短直生成酷傀

獼猴形影

療足王嶷遺臭

童貫患脚氣或云楊梅仁

可瘡會稽守王嶷獻

觸奸唐史留馨形骸

雖具木難升智動化爲仁靜

### 美人過橋

偶咏美人過橋起用雨絲風片烟波畫船  
韵限溪西鷄齊啼雨雲何處度前溪絲柳  
纖腰裊向西風揭衣香疑散麝片分裙采

補

爐山鷄烟籠髮髻芳姿艷波叩嬋娟體態  
齊畫史但能摹彷彿船頭人辨笑和啼

人世炎涼

螢雪叢說人之一身已自有輕重足履穢  
惡則不甚介意若手沾汚浣濯無已又何  
怪世情之炎涼也舊有題湯泉一絕最爲  
該理比鄰三井在山崗二井米寒一井湯  
造化無私猶冷暖爭教人世不炎涼

梅嬌杏俏

閒居筆記吳大郡王二愛姬名梅嬌杏俏  
丰姿並俊尤善詩詞梅作詞誇已嘲杏曰  
一種陽和玉英初綻雪天分外精神永肌  
玉骨別是一家春樓上笛聲三弄百花都  
未知音明窓畔臨風對月曾結歲寒盟笑  
杏花何太晚遲疑不發等待春深只宜遠  
望舉目似燒林麗質芳姿雖好一時取媚

東君爭如我青青結子金甌內調羹杏亦  
作詞答梅曰景傍清明日和風暖數枝濃  
淡胭脂春來早起惟我獨芳菲昨夜幾經  
雨過似佳人細膩香肌堪賞處玉樓人醉  
斜插滿頭啼笑梅花何太早蕭疎骨肉葉  
密花稀不逢媚景開後甚孤恹賦性冰心  
玉質甘受雪壓霜欺爭如我年年得意占  
盡曲江池



# 刺繡

吳中女郎王道蘊詣尼菴見二尼刺繡尼  
謂道蘊能詩請詠其事蘊集唐句云風捲  
楊花拂繡床爲他人作嫁衣裳因過竹院  
逢僧話始覺空門興味長○白香山題刺  
繡圖云倦倚繡床愁不動緩垂綠帶鬢鬟  
低遶陽春盡無消息夜合花前日又西○  
朱絳詩云獨在紗窓刺繡遲紫荊枝上轉

黃鸝欲知無限傷春意盡在停針不語時

元載妻詩諷

元載擢拜中書妻王韞秀寄詩姊妹云相  
闔已隨麟閣貴家風第一右丞詩笄年解  
笑鳴機婦耻見蘇秦富貴時及爲兩朝宰  
相貴盛無比秀以詩喻之曰楚竹燕歌動  
畫堂更聞重換舞衣裳公孫開館招佳客  
知道浮雲不久長載不悟卒及於難